

## CLASSIS XIV.

DE

## UNGUENTIS.

## UNGUENTUM DE CERA

VULGO DICTUM

## UNGUENTUM HIPPOCRATIS.

℞. Olei Olivarum ————— libras quatuor,

Cerae albæ ————— libram unam.

Liquentur simul ad perfectam mixtionem, & sic paratum Unguentum usui servetur.

*Resolvit, calorem reprimit, dolorem lenit.*

In hoc & reliquis Unguentis eam proportionem Olei ad Ceram statuimus, quæ mediis temporibus autumnæ scilicet ac vere locum habere possit: æstate, ut periti artis norunt, paulo plus Cerae adhibendum est, hieme paulo minus.

UN-



# UNGUENTUM INFRIGIDANS

GALENI.

℞. Olei Rosati ————— uncias quatuor,

Ceræ albæ ————— unciam unam.

Liquentur simul, & fiat Unguentum; quod ab igne remotum aqua frigidissima pluries renovata diu ablues; sub finem vero affundes

Aceti albi optimi ————— uncias sex.

Unguentum eo iterum ablues, mox ab omni humiditate sponte ac sine igne separatum in proprios usus adhibebis.

*In febris ardentibus, ac cephalalgia pulsante ad refrigerium usurpatur.*

# UNGUENTUM ROSATUM

MESUÆ.

℞. Axungia Porcinæ præparatæ ————— libras decem.

Liquefactæ in balneo-maris affunde

Rosarum communium repurgat. — libras duas.

Macera per dies sex, leniter coque in eodem balneo, cola & fortiter exprime: in expresso eandem Rosarum quantitatem infunde; repete omnia ut supra: facta demum Rosarum tertia infusione, post sufficientem coctionem cola cum forti expressione, & Unguentum colatum in loco frigido serva.

*Refrigerat, ac dolores lenit.*

UN-



## UNGUENTUM ROSATUM

MALVINUM.

℞. Unguenti Rosati ——— libras duas,

Succi Malvæ ——— libram unam,

Solani ——— uncias sex,

Foliorum Malvæ recentium contusorum  
— manipulos quatuor.Coque lento igne ad consumptionem humiditatis,  
& colatum cum forti expressione in usum serva.*Viribus cum superiori convenit, sed efficacius.*

## UNGUENTUM POMATUM.

℞. Axungia Porcinæ præparata ——— libras tres,

Sebi Ovilli recentis ——— uncias novem.

Liquefactis ad lentum ignem adde

Pomorum dulcium in frusta concisorum, dem-  
ptis corticibus, — libram unam & semis,

Ireos Florentinæ crasse pulverisatæ

— drachmas sex,

Aqua Rosarum ——— uncias sex.

Bulliant simul in balneo-maris ad dissolutionem  
Pomorum, & consumptionem humiditatis. Unguen-  
tum sine expressione colatum servetur, usus tem-  
pore Aqua Rosacea abluendum.*Laborum scissuris, & cutis asperitati prodest.*

Ff

UN-



## UNGUENTUM POPULEON

NICOLAI SALERNITANI.

℞. Axungia Porcinæ præparata — libras tres.

Liquefactæ sub Veris initium affunde

Oculorum Populi arboris recentium contusorum  
— libram unam & semis.

Macera usque ad Junium mensem, &amp; adde

Summitatum Rubi tenerrimarum,

Foliorum Papaveris Rhœados,

Mandragoræ,

Sempervivi majoris,

minoris,

Hyoscyami albi,

Solani,

Lactucæ,

Bardanæ,

Umbilici Veneris, vel ejus loco Fabæ  
crassæ,

Violariæ, — ana uncias duas.

Rursus macera per dies decem, coque ad lentum  
ignem cum sufficiente quantitate Vini odorati usque  
ad humiditatis consumptionem, cola & fortiter ex-  
prime: Unguentum colatum in usum serva.*Contra morbosum calorem valet, ac temporibus illitum  
somnia conciliat.*



## UNGUENTUM PECTORALE

WECKERI.

R. Tragacanthi, —  
 Seminum Pſyllii,  
 Fœni græci,  
 Lini, — ana drachmas duas.

Contusa infunde in  
 Aquæ Violarum — unciis decem.

Extrahe mucilaginem ex arte: mucilagini ex-  
 pressæ adde

Olei Violati,  
 Amygdalarum dulcium,  
 — ana unciam unam,

Butyri loti cum aqua Violarum,  
 Adipis gallinacei,  
 Medullæ Vitulinæ,  
 — ana unciam unam & semis.

Coque omnia simul blando igne ad humiditatis  
 consumptionem, cola & adde

Ceræ albæ — unciam unam:  
 qua liquefacta, & rite cum reliquis permixta, re-  
 motum ab igne Unguentum ad usum serva.

*Laterum dolores mitigat, tussim sedat, exscreationem  
 promouet; crassos humores attenuat, digerit, ac re-  
 soluit.*

Ff 2

UN-



# UNGUENTUM DE ALABASTRO

BENEDICTI VICTORII.

℞. Succī recentis Chamæmeli — unciās quatuor,

Rosarum — unciās duas,

Betonicae,

Rutæ,

— ana unciām unā & semis,

Cremoris radicū Althææ — unciās duas,

Olei Rosati — libram unā & semis.

Decoctis omnibus simul ad succorum consumptionem adde

Ceræ albæ — unciās sex:

qua liquefacta, & perfecte cum oleo commixta, insperge

Alabastrī purissimi subtiliter pulverisati

— unciās tres.

Misce, & fiat Unguentum.

*Dolores capitis mitigat, livores a percussionibus auferit.*

# UNGUENTUM SANTALINUM

M. ESUÆ.

℞. Santali rubri — drachmas decem,

citrini,

albi, — ana drachmas sex,

Rosa-



Rosarum rubrarum — unciam unam & semis,  
 Boli Armenæ ————— drachmas septem,  
 Spodii ex Ebone ————— unciam semis.  
 Pulverisata omnia confunde cum  
 Olei Rosati ————— libra una,  
 Ceræ albæ in eodem liquefactæ — unciis quatuor.  
 Misce & fiat Unguentum; cui ab igne remoto adde  
 Camphoræ rasæ ————— drachmas duas.  
 Iterum misce, & in usum serva.

*Inflammationes sedat, calidas ventriculi & hepatis in-  
 temperies extinguit.*

## UNGUENTUM DE SUCCIS

JULII CÆSARIS ARANTII.

℞. Foliorum recentium Plantaginis,  
 Lapathi,  
 Solani,  
 Summitatum Centaurii minoris,  
 ————— ana manipulos duos.

Contunde, & macera per dies octo in  
 Olei Rosati ————— libra una

Coque mediocriter, & cola cum forti expressio-  
 ne: colato adde

Ceræ albæ ————— uncias quatuor.

Rursus coque ad consumptionem humiditatis:  
 refrigeranti Unguento insperge

Cam.



Camphoræ rasæ ————— unciam semis ;  
 Misce, & usui serua.

*Valeat ad ulcera inflammata, dolentia, & phagedenica.*

# UNGUENTUM COMITISSÆ

GULIELMI DE VARIGNANA

R. Corticis medii Quercus arboris,  
 Glandium,  
 Castanearum,  
 Herbarum Caudæ Equinæ,  
 Corticum Fabarum,  
 Baccarum Myrti,  
 Gallarum immaturarum,  
 Vinaceorum,  
 Sorborum immaturorum,  
 Mespilorum immaturorum,  
 Radicum Chelidonie majoris,  
 Foliorum Pruni silvestris,  
 — ana unciam unam & semis.

Mediocriter contrita decoque in  
 Aquæ Plantaginis ————— libris duodecim :  
 cola & fortiter exprime ; interim sume  
 Olei Myrtini,  
 Mastichini, — ana libram unam & semis,  
 Cerae albæ ————— uncias octo.

Liquentur simul ad lentum ignem, postea refrigerant : massam refrigeratam ablue novies cum supradicti decocti frigidissimi portione singulis vicibus  
 reno-



renovata. Post ultimam ablutionem separata humiditate, & mixtura blando calore iterum liquefacta, insperge quæ sequuntur subtiliter pulverisata,

Corticis medii Castanearum, —

Glandium,

Quercus Arboris,

Gallarum immaturarum, — ana unciam unam,

Baccarum Myrti,

Vinaceorum,

Cineris ossium cruris Bovini, — ana unciam semis,

Trochiscorum de Karabe — uncias duas.

Misce, & fiat Unguentum ex lege artis.

*Abortum prohibet, hæmorrhoides nimium fluentes sistit, renes roborat, mensum exuberantiam compefcit.*

## UNGUENTUM DE ARTHANITA MAJUS

MESUÆ.

Rz. Pulpæ Colocynthidos — uncias quatuor,

Radicum Polypodii — uncias sex,

Euphorbii — unciam semis.

Contusa infunde in

Succi Arthanitæ sive Cyclaminis — libris tribus,

Cucumeris agrostis — libra una.

Infusis adde

Olei Irini — libras duas,

Butyri recentis — libram unam.

Mace-



Macera per dies octo, coque lento igne ad consumptionem humiditatis, cola & exprime, expresso adde

Ceræ flavæ ——— uncias quinque,

Fellis Bovini,

Sagapeni Aceto dissoluti, — ana unciam unam.

Ferveant simul ad ceræ liquefactionem: ultimo quæ sequuntur subtiliter pulverisata insperge,

Diacrydii,

Aloes Hepaticæ,

Foliorum Laureolæ,

Turpethi,

Pulpæ Colocynthidos, — ana unciam unam,

Salis Gemmei — drachmas quatuor & semis,

Myrrhæ,

Piperis longi,

Euphorbii,

Zingiberis,

Florum Chamæmeli, — ana drachmas tres.

Misce, & fiat secundum artem Unguentum.

*Stomacho applicitum vomitu purgat, hypogastrio illitum alvum dejicit, hydropicis prodest, vermes necat & educit.*

## UNGUENTUM DE ARTHANITA MINUS

MESUÆ.

℞. Succī Arthanitæ,

Ebuli,

Radicum Filicis, — ana uncias novem,

Aceti



Aceti acerrimi ————— unciam unam,

Olei Irini ————— libras duas.

Coque simul ad consumptionem humiditatis, &  
adde

Ceræ flavæ ————— libram semis,

Oesyphi humidi ————— drachmas quinque.

Liquefactis omnibus, & ab igne remotis adde  
Ammoniaci Aceto dissoluti,  
Bdellii similiter præparati,  
— ana drachmam unam & semis.

Ultimo quæ sequuntur in pulverem redacta in-  
sperge,

Summitatum Tamarisci ————— uncias duas,

Corticum radices Capparum

— unciam unam & semis,

Spicæ Nardi ————— unciam semis.

Misce, & fiat Unguentum ex lege artis.

*Splenis tumores etiam scirrhusos mollit, strumas dis-*  
*solvit.*

Hoc adhibeant Pharmacopæi quando Unguentum  
de Arthanita simpliciter præscribitur.

## UNGUENTUM NERVINUM

### PHARMACOPOEIE AUGUSTANÆ.

R. Adipis Humani,

Canini,

Felini,

— ana unciam semis,

G g

Olei



Olei Hyperici, \_\_\_\_\_  
 Lumbricorum, \_\_\_\_\_  
 Vulpini, \_\_\_\_\_  
 Anethini, \_\_\_\_\_ ana uncias tres;  
 Terebinthinæ distillati \_\_\_\_\_ unciam unam,  
 Terebinthinæ Venetæ \_\_\_\_\_ uncias quatuor.  
 Liquefactis simul omnibus insperge quæ sequun-  
 tur subtiliter pulverisata,  
 Foliorum Salviæ,  
 Ivæ Artheticae,  
 Majoranæ,  
 Rorismarini,  
 Menthæ,  
 Rutæ,  
 Anethi,  
 Lavandulæ,  
 Hyperici,  
 Primulæ veris,  
 Florum Chamæmeli,  
 Meliloti,  
 Radicum Pyrethri, \_\_\_\_\_ ana drachmas duas,  
 Baccarum Juniperi,  
 Lauri, \_\_\_\_\_ ana unciam unam,  
 Mastiches \_\_\_\_\_ unciam semis,  
 Benzoini \_\_\_\_\_ drachmas sex.

Misce, & fiat Unguentum.

*Frigidos nervorum morbos tollit, eorumque doloribus  
levamen affert.*

UN-



# UNGUENTUM MARCIATON

NICOLAI SALERNITANI.

R. Foliorum Lauri ————— libras tres,

Rutæ ——— libras duas & semis,

Majoranæ ————— libras duas,

Rorismarini — libram unam & semis,

Myrti ————— libram unam .

Ebuli,

Balsamitæ,

Ocimi, ————— ana libram semis.

Contusa infunde in

Vini albi generosi ——— libris duodecim .

Macera per dies quinque in vase clauso, postea  
superadde

Olei Olivarum antiqui ————— libras octo.

Coque ad consumptionem humiditatis, cola & exprime : expresso adde

Butyri recentis — unciā unā & semis ,

Adipis Urfini,

Gallinacei,

Anserini, ——— ana unciam unam,

Medullæ Cervinæ.

*Styracis*,

Thuris, ————— ana unciam semis,

Mastiches ~~\_\_\_\_\_~~ unciam unam,

Gg 2

Olei



Olei Nardini \_\_\_\_\_ uncias duas,

Ceræ albæ \_\_\_\_\_ libras tres.

Omnibus simul lento igne liquatis, fiat Unguentum secundum artem.

*Podagricis confert, nephriticis, ischiadicis, itemque ad vitia & dolores nervorum.*

## UNGUENTUM AREGON

NICOLAI SALERNITANI.

R. Foliorum Majoranæ,  
Rorismarini,  
Serpilli,  
Rutæ, — ana uncias quatuor & semis,

Lauri,  
Salviæ,  
Sabinæ, — ana uncias tres,

Pulicariæ majoris,  
minoris,  
— ana uncias quatuor,

Calaminthæ \_\_\_\_\_ uncias sex,

Laureolæ \_\_\_\_\_ uncias novem,

Radicum Cucumeris agrestis,  
Ari, — ana uncias quatuor & semis,

Bryoniæ \_\_\_\_\_ uncias tres.

Infunde in

Olei Olivarum \_\_\_\_\_ libris quinque.  
Mace-



Macera per dies octo: coque ad consumptionem  
humiditatis, cola & exprime; expresso adde

Butyri recentis ————— uncias quatuor,

Adipis Ursini,

Olei Laurini, ————— ana uncias tres,

Ceræ albæ ————— uncias quindecim,

Liquatis simul omnibus affunde

Petrolei ————— unciam unam,

Olei Moschellini, vel loco illius Nardini  
— unciam semis.

Ultimo quæ sequuntur rite pulverisata insperge;

Zingiberis,

Pyrethri,

Euphorbiæ,

Piperis nigri, ————— ana unciam unam;

Mastiches,

Thuris, ————— ana drachmas sex.

Misce, & fiat Unguentum.

Convulsionibus ac resolutionibus partium, dolori etiam  
colico & nephritico prodest.

## UNGUENTUM AGRIPPÆ

NICOLAI SALERNITANI.

R. Radicum recentium Bryoniæ ————— libras duas,

Cucumeris agrestis

— libram unam,

Radi-



Radicum recentium Scillæ — libram semis;  
 Iridis — uncias tres,  
 Filicis,  
 Ebuli,

Tribulorum aquaticorum virentium, — ana uncias duas.

Contusa omnia infunde in —  
 Olei Olivarum — libris quatuor.

Macera per dies octo; coque ad consumptionem humiditatis, cola cum forti expressione: expresso adde

Ceræ albæ — uncias quindecim.

Liquefiat in Oleo ad perfectam mixtionem, & justam consistentiam Unguenti.

*Hydropi, œdemati, urina suppressioni, ac nervorum affectibus prodest.*

## UNGUENTUM DIALTHÆA

NICOLAI SALERNITANI.

R. Radicum Althææ — libras duas,  
 Seminum Lini,  
 Fœni-græci, — ana libram unam.

Contusa infunde in Aquæ fontis libris octo: macera per triduum, coque ad extractionem mucilaginis, cola & fortiter exprime: expresso adde

Olei Olivarum — libras quatuor.

Coque



Coque ad humiditatis consumptionem, iterum cola, & adde

Ceræ flavæ \_\_\_\_\_ uncias quindecim,

Terebinthinæ Venetæ \_\_\_\_\_ uncias duas,

Resinæ Pini \_\_\_\_\_ uncias sex.

Liquefactis omnibus & percolatis fiat Unguentum secundum artem.

Emolliendi vim habet; maturandi, & humectandi.

### UNGUENTUM DIGESTIVUM.

R. Terebinthinæ Venetæ,

Olei Olivarum, \_\_\_\_\_ ana libram unam,

Ceræ albæ \_\_\_\_\_ uncias octo.

Liquatis simul omnibus fiat Unguentum.

Usus notissimus est, & patet ex nomine.

### UNGUENTUM BASILICON

MESUÆ.

R. Olei Olivarum \_\_\_\_\_ libras duas,

Picis græcæ,

Resinæ Pini,

Ceræ flavæ, \_\_\_\_\_ ana uncias quatuor.

Liquefacta omnia simul percolentur & agitentur, ut fiat Unguentum justæ consistentiæ.

Ulcera phlegmone carentia tergit, & carne replet.

UN-







Ceræ flavæ ————— libram unam,

Resinæ Pini ————— unciam semis,

Terebinthinæ Venetæ ————— uncias tres.

Liquefactis omnibus ac percolatis admisce

Ammoniæ Aceto dissoluti ————— uncias sex,

Galbani similiter præparati ————— unciam semis.

Ultimo insperge quæ sequuntur in pulverem re-  
ducta,

Thuris,

Mastiches,

Myrrhæ,

Radicum Aristolochiæ rotundæ,

— ana unciam semis.

Misce, & fiat Unguentum ex lege artis.

Contusis efficaciter medetur, carnem restituit, & ul-  
cera consolidat.

## UNGUENTUM DE BETONICA

JACOBI BERENGARII.

R. Foliorum Betonicæ,

Matrisilvæ,

Salviæ, ————— ana uncias tres.

Contunde, & macera per dies octo in

Olei Rosati ————— libra una.

Bulliant lento igne ad consumptionem humidita-  
tis, cola & fortiter exprime; expresso admisce

Hh

Resi-



Resinæ Pini, ——— ana libras tres,  
 Terebinthinæ Venetæ, ———  
 Elemi ——— unciam unam & semis,  
 Cerae flavæ ——— uncias duas.  
 Liquefactis omnibus, & iterum colatis insperge  
 quæ sequuntur rite pulverisata,  
 Mastiches,  
 Thuris, ——— ana unciam unam & semis.  
 Misce, & fiat Unguentum secundum artem.

*Efficaciter prodest vulneribus capitis, quæ abstergit, & carne implet.*

### UNGUENTUM DE NICOTIANA.

℞. Succī Nicotianæ ——— libras sex,  
 Olei Olivarum ——— libras tres.  
 Bulliant lento igne per tres horas, & adde  
 Cerae flavæ,  
 Resinæ Pini, ——— ana uncias octo.  
 Liquefactis simul omnibus & colatis affunde  
 Terebinthinæ Venetæ ——— libram unam,  
 Olei Hyperici ——— uncias sex.  
 Bulliant rursus ad humiditatis consumptionem,  
 donec refrigescant; & fiat Unguentum ex lege  
 artis.

*Ulcera chironia, depascentia, antiqua, & mali moris potenter curat.*

UN-



## UNGUENTUM APOSTOLORUM

AVICENNÆ.

℞. Terebinthinæ Venetæ,  
 Resinæ Pini,  
 Ammoniacy — ana drachmas quatuordecim,  
 Thuris,  
 Bdellii,  
 Radicum Aristolochiæ longæ,  
 — ana drachmas sex,  
 Myrrhæ,  
 Galbani, — ana drachmas quatuor,  
 Opopanacy,  
 Viridis Æris, — ana drachmas duas,  
 Lithargyrii — drachmas novem,  
 Cerae albæ — uncias quatuor,  
 Olei Olivarum — libras duas.

Lithargyrium in Olei portione blando igne commisce ad perfectam nutritionem; tum sensim Olei reliquum affunde, & Ceram, & Resinam minutim concisas, ut simul liquentur: his ab igne remotis adijunge Gummi sive lacrymas non pulverisabiles Aceto dissolutas, & cum Terebinthina permixtas; reliqua deinde insperge subtiliter pulverisata, & ultimo Viride Æris. Misce, ut fiat Unguentum ex lege artis.

*Efficax est ad vulnera & ulcera contumacia; fistulas absunit, carnem mortuam separat, amissam reparat.*

Hh 2

UN-



# UNGUENTUM DAMASCENUM.

R̄. Unguenti Resini ————— libram unam,  
 Viridis Æris ————— unciam semis.

Misce ad ignem lentum ex lege artis.

*Ulcera detergit, fungosam carnem & superfluum absumit.*

# UNGUENTUM ÆGYPTIACUM

MESUÆ.

R̄. Mellis despumati ————— libram unam,  
 Aceti Rosati ————— libram semis,  
 Viridis Æris ————— uncias quatuor.

Coquantur omnia simul ad consistentiam & similitudinem Unguenti.

*Antiqua ulcera & fistulosa tergit, putredinem aufert, carnem excrecentem & mortuam exedit.*

# UNGUENTUM SATURNINUM.

R̄. Terebinthinæ Venetæ ————— unciam unam,  
 Cerae albæ ————— unciam semis,  
 Olei Rosati ————— uncias duas.

Lique-



Liquefactis simul ad lentum ignem insperge

Plumbi usti,

Lithargyrii, ——— ana unciam unam,

Cerussæ lotæ,

Antimonii crudi, ——— ana unciam semis.

Misce, & fiat Unguentum secundum artem.

Exsiccat, refrigerat, & carnem humidam reprimat.

## UNGUENTUM ALBUM RHASIS

VULGO

## UNGUENTUM PAULI.

R. Olei Olivarum ——— libram unam,

Ceræ albæ cum eodem liquefactæ — uncias tres,

Cerussæ ——— uncias sex.

Misce, & fiat Unguentum.

Refrigerat, & leniter adstringit; excoriationibus, levioribusque ambustionibus prodest.

Si ad singulas Unguenti libras adjeceris

Camphoræ rasæ ——— scrupulos quatuor,  
& perfecte miscueris, erit Unguentum Album Camphoratum.

UN-



# UNGUENTUM DE MINIO.

℞. Olei Olivarum ————— libram unam,  
 Cerae albæ cum eodem liquefactæ — unciæ tres,  
 Minii ————— unciæ sex.  
 Misce, & fiat Unguentum.

*Potenter refrigerat & exsiccat; igni sacro & ex-  
 dentibus ulceribus auxilio est.*

# UNGUENTUM DE LITHARGYRIO

SIVE

# NUTRITUM.

℞. Lithargyrii lævigati ————— unciæ duas,  
 Cerussæ ————— unciam semis.  
 Misce in mortariolo plumbeo, & affunde per  
 vices  
 Olei Rosati ————— unciæ duas & semis,  
 Aceti optimi ————— unciam unam.  
 Agita omnia simul, donec pulveres liquorem re-  
 cte combiberint.

*Sarcoticum est, epuloticum, cutisque ulceribus prodest.*

UN-



# UNGUENTUM DE TUTHIA.

R<sub>2</sub>. Succī Solani ————— uncias octo ;

Olei Rosati ————— uncias decem .

Bulliant simul ad consumptionem humiditatis :  
adde

Ceræ albæ ————— uncias duas .

Liquatis simul omnibus insperge

Cerussæ ————— uncias quatuor ,

Plumbi usti ,

Tuthiæ præparatæ, ————— ana uncias duas ,

Thuris subtiliter pulverisati — unciam unam .

Misce, & fiat Unguentum.

*Erysipelata siccant, ulcera sordida purgant, carne replet,  
ad cicatricem perducit.*

# UNGUENTUM DE CALCE

AVICENNÆ,

R<sub>2</sub>. Olei Rosati ————— libram unam ,

Ceræ albæ, —————

Calcis vivæ Aqua Rosarum septies lotæ ,

————— ana uncias tres.

Fiat Unguentum ex lege artis, cujus præscripta  
quælibet dosis ante usum malaxetur cum sufficien-  
ti quantitate Albuminis Ovi recentis.

*Ambu-*



*Ambustis, erysipelatibus, & antiquis tibiæ ulceribus prodest.*

### UNGUENTUM AD SCABIEM.

℞. Unguenti Rosati ————— uncias duas,  
 Olei Laurini,  
 Florum Sulphuris,  
 Salis Marini subtiliter pulverisati, ————— ana unciam semis :  
 Misce omnia simul & fiat Unguentum.

*Scabiem citissime exsiccat, sed maxima cautione administrandum.*

### UNGUENTUM AD TINEAM.

℞. Laminarum Scillæ recentis ————— libram unam.

Infunde in  
 Olei Olivarum ————— libris duabus.

Coque ad humiditatis consumptionem, cola & exprime: expresso adde

Resinæ Pini ————— libram semis,

Lithargyrii ————— unciam unam & semis,

Viridis Æris ————— uncias duas.

Misce, & fiat Unguentum secundum artem.

*Ad achores, crustas, & manantia capitis ulcera.*

UN-



## UNGUENTUM AD STRUMAS

BARBETTE.

℞. Cerussæ lævigatæ cum Spiritu Vini subactæ  
— unciam unam;  
Aluminis rupei — unciam semis,  
Salis marini — drachmas duas,  
Olei Laurini — unciam unam.  
Pulverifatis pulverisandis, fiat Unguentum ex  
lege artis.

*Patet usus ex nomine.*

## UNGUENTUM DE STAPHIDE-AGRIA.

JACOBI MANLII.

℞. Seminum Staphidis-agriæ pulverifatorum,  
Saponis Veneti tenuiter rasi, — ana uncias duas,  
Mercurii crudi — unciam unam & semis,  
Terebinthinæ — quantum sufficit ad Mercurii  
extinctionem,  
Axungie Porcinæ — uncias tres.  
Agitatis simul omnibus, ac rite permixtis, fiat  
Unguentum.

*Ad pediculos enecandos.*

I i

UN-



# UNGUENTUM MERCURIALE.

R $\acute{e}$ . Axungia $\acute{e}$  Porcina preparata — libram unam,  
 Terebinthina $\acute{e}$  Veneta — unciam unam,  
 Mercurii crudi — uncias duas.

Mercurium cum Terebinthina extingue, & exacte  
 simul omnibus in mortario marmoreo permixtis,  
 fiat Unguentum.

*Usus ad luem veneream extirpandam.*

## UNGUENTA BALSAMICA.

### BALSAMUM ARCÆI.

R $\acute{e}$ . Terebinthina $\acute{e}$  Veneta,  
 Elemi,  
 Sebi Ovilli, — ana uncias duas,  
 Olei Hyperici — unciam semis,  
 Cera $\acute{e}$  albæ — drachmas duas.

Omnibus lento igne simul liquefactis, & perco-  
 latis, fiat Unguentum vel Balsamum.

*Feliciter usurpatur in capitis vulneribus.*

BAL-



## BALSAMUM LOCATELLI.

℞. Olei Olivarum,  
Terebinthinæ Aqua Rosarum lotæ,  
— ana libram unam,

Ceræ flavæ ————— uncias quatuor.

Liquatis ad ignem lentum adde  
Vini Malvatici ————— libram unam.

Bulliant ad consumptionem humiditatis: vase ab  
igne remoto admisce

Olei Hyperici ————— uncias duas,

Balsami Peruviani — unciam unam & semis,

Santali rubri subtiliter pulverisati  
— unciam unam.

Agita usque ad refrigerationem, ut fiat Balsa-  
mum.

*Interne adhibetur ad ulcuscula pulmonum tergendā, &  
consolidanda.*

*Dosis a drachma una ad drachmas tres.*



## LINIMENTA.

## LINIMENTUM DE SPERMATE CETI.

R. Spermatis Ceti — drachmam unam & semis,  
 Ceræ albæ — drachmas tres,  
 Olei Amygdalarum dulcium — unciam unam.  
 Liquefiant simul blando calore, & fiat Linimen-  
 tum.

*Mammarum duritiem mollit, lac coagulatum resolvit.*

## LINIMENTUM AD SCABIEM

## NON SULPHURATUM.

R. Terebinthinæ Aqua Rosarum Iotæ — uncias duas,  
 Succī Aurantiorum — unciam unam & semis,  
 Vitellos Ovorum — numero duos,  
 Butyri recentis — unciam unam,  
 Olei Rosati — unciam semis.  
 Commixtis simul omnibus in mortariolo, fiat Li-  
 nimentum.

*Tutissime adhibetur ad scabiei pruritum leniendum.*

LINI-



## LINIMENTUM OPHTHALMICUM.

℞. Butyri recentis Aqua Euphrasie pluries abluti  
— uncias quatuor,

Tuthie præparatæ — unciam semis.

Misce, & fiat Linimentum.

*Ad oculos prurientes, lippitudinem, ac pustulas palpebrarum.*

## LINIMENTUM SATURNINUM.

℞. Plumbi usti,


Oculorum Cancrorum præparatorum,  
— ana drachmas tres,

Olei Rosati — uncias tres,

Succi Solani — uncias duas.

Plumbum Oleo nutritum diluatur Succo per vi-  
ces affuso in mortariolo plumbeo: ultimo admi-  
sceantur Oculi Cancrorum, & fiat Linimentum  
secundum artem.

*Ad herpes, erysipelata, & ulcera depascentia com-  
mode adhibetur.*



CLAS-